



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1563 usque ad annum 1566

Fleury, Claude

August. Vind. [u.a.], 1772

VD18 90118626

§. 94. Franciæ Regis epistola ad Papam circa Navarræ Reginam.

[urn:nbn:de:hbz:466:1-67192](https://nbn-resolving.org/urn:nbn:de:hbz:466:1-67192)

Sæcul. XVI. harum precum ratione Cardinales de
A. C. 1564. Ara Coeli, Sarrafinum, Alexandrinum,
 & Vitellium nominabat, qui in hujus
 Beati vitam inquirerent, & desuper re-
 ferrent.

§. XCIV.

*Franciæ Regis epistola ad Papam
 circa Navarræ Reginam.*

*Traité des
 droits de
 l'Eccl. Gall.
 tom. I. p. 56.*

Cum Pius IV. Pontifex Joannam
 Albretam Navarræ Reginam, at-
 que Antonii Borbonii Viduam edito
 diplomate Romam ut memoravimus, in
 jus vocasset, ob hanc agendi rationem
 Galli semper indignationem fovebant,
 quæ tamen hoc anno apertius erum-
 pebat; quippe Rex per Joannem Bapti-
 stam Mesnilum suum apud Parisiensem
 Curiam Advocatum hanc in rem li-
 bellum componi iussit, in quo præpri-
 mis contra hanc severitatem querendi
 causas exposuit, ac postea in memo-
 riam revocavit eam, quam in primis
 sæculis summi Pontifices exercuerunt,
 moderationem, necnon obsequia a Fran-
 ciæ Regibus præstita pluribus summis
 Pontificibus, quos gratum semper ani-
 mum exhibuisse scribebat, simulque ex-
 ponebat, in quo Gallicanæ Ecclesiæ
 libertates consisterent, & quid summi
 Pontifices a Gregorii VII. temporibus
 adversus Cæsares non sine funesto ho-
 rum

rum abusuum successu moliti essent; in-
 super referebat, quid Franciæ Reges
 pro conservandis suis juribus, & Ec-
 clesiæ libertatibus egissent, quidve Rex
 ad earum defensionem agere obstrin-
 geretur.

Sæcul. XVI.
 A.C. 1564.

Prima hæc epistola Romam mitte-
 batur Pontifici exhibenda, cui etiam
 alia annectebatur Franciæ Oratori in-
 scripta, in qua hæc Regis nomine ex-
 ponebantur: „Libellum, quem ad Pon-
 tificem misi, in meo Senatu exhibui,
 „præsentibus Regii Sanguinis Principi-
 „bus, multis Proceribus, aliisque Vi-
 „ris dignitate conspicuis: rei autem
 „gravitate, ac necessitate mature per-
 „pensa prompte ad summum Pontificem
 „perscribere necessarium duxi, ut ea,
 „qua par est, reverentia, ac filiali sub-
 „missione eidem graves admodum ra-
 „tiones exponerem, ob quas me hac
 „agendi ratione offensum declarem, ac
 „præfatam Reginam, ejusque bona tueri
 „cogar: cum enim propriam meam caus-
 „sam agi existimem, rem dissimulare
 „haud valeo, præsertim cum omnium
 „Principum, ut ejusmodi ausibus me
 „opponam, intersit, specialiter autem
 „me tangat, eoquod Navarræ Reginæ,
 „ejusque liberis sanguine junctus sim,
 „aliunde vero Galliarum Reges semper
 „oppressorum, præcipue summorum

X 4

„Pon-

Sæcul. XVI
A.C 1564

„Pontificum defensionem in se suscepe-
„rint: his accedit, quod hæc Regina
„Gallis fœderata, atque ob ditiones,
„quas in hoc Regno possidet, eidem
„subsit, ut proin publicatione Romæ
„facta in jus vocari non potuerit, cum
„non servarentur hoc in iudicio legum
„præscripta, nec præcederet Canonica
„admonitio: de cetero autem Papa in
„Regum temporalia bona nullum jus
„habet: ideo peto, ut idem diploma
„suum contra præfatam Reginam edi-
„tum revocet, secus remedia in ejus-
„modi eventibus alias adhibita usur-
„pare cogor.

Post utramque hanc epistolam ad-
huc alia contestatio, seu ejusdem Re-
gis dilucidatio circa hanc citationem
sequebatur, in qua recensitis iis, quæ
supra allata sunt, hoc additur: „per-
„pensis hisce rationibus peto, atque
„summum Pontificem cum omni reve-
„rentia ei debita instanter rogo, ut
„præfatum diploma, ceteraque ejus-
„modi plura revocare, nullaque de-
„clarare, atque a iudicii actis desistere
„velit, ac rem ita efficere dignetur,
„quatenus ea res in cujuscunque
„notitiam devenire queat: insuper volo,
„ut Papa ratum habeat, quod illos, qui
„fors ex meis subditis hujus rei Aucto-
„res erant, plectere possim: secus enim,
„si

„si Papa id renueret, denuntio, quod in-
 „vitus licet ad vim, & remedia in ejus-
 „modi casibus alias adhibita recurrere
 „cogar, cum id exigeret caussa adeo
 „iusta, & legitima, pro qua omnes
 „meos conatus, viresque mihi a Deo
 „datas impendere paratus sum.

Sæcul. XVI
 A.C. 1564.

Insuper Regina Franciæ Administra-
 trix Rhedonensi Episcopo, qui a-
 pud Cæsarem Caroli IX. legatum age-
 bat, sed tum Romæ morabatur, ne-
 gotium dabat, ut Pontifici exponeret,
 quod hæc severitas in Navarræ Regi-
 nam usurpata legum præscripto adver-
 saretur, nec Papæ ullum jus in pro-
 fana Principum bona suffragetur: de
 cetero autem, quæ hac in re Cæsaris
 mens esset, scire percuperet. Hæ li-
 teræ suo non caruere successu; quippe
 Henricus Clutinius Oisellus homo ad
 quævis audenda projectus, fidusque
 Regis Minister prout iussus erat, cum
 tanta vehementia rem urgebat, ut sen-
 tentiam antea pronuntiatam contra
 Joannam Albretam revocari extorque-
 ret, atque etiam iudicii acta contra
 Franciæ Episcopos de Calvinii secta su-
 spectos jamjam inchoata interrompe-
 rentur.